

Broj: 05-4500-4/18
Sarajevo, 04. 12. 2018. godine

Na osnovu člana 64. stav (1) tačke b) Zakona o javnim nabavama („Službeni glasnik BiH“, broj: 39/14, u nastavku: Zakon), člana 70. stavovi (1), (3) i (6) Zakona, člana 11. Pravilnika o postupku dodjele ugovora o uslugama iz Aneksa II. dio B Zakona („Službeni glasnik BiH“, broj: 66/16), člana 16. Statuta Agencije za bankarstvo Federacije BiH („Službene novine Federacije BiH“, broj: 3/18), a na preporuku Komisije za javnu nabavku iz Zapisnika o pregledu i ocijeni ponuda, broj: 05-4500-3/18 od 30. 11. 2018. godine, u postupku javne nabave usluga iz oblasti odnosa s javnošću i kriznog komuniciranja, direktor Agencije za bankarstvo Federacije BiH donosi

ODLUKU

o izboru najpovoljnijeg ponuđača u postupku nabavke usluga

Član 1.

Prihvata se preporuka Komisije za nabavke iz Zapisnika o pregledu i ocjeni ponuda, broj 05-4500-3/18 od 30. 11. 2018. godine i ugovor o javnoj nabavci usluga iz oblasti odnosa s javnošću i kriznog komuniciranja za potrebe Agencije za bankarstvo Federacije BiH dodjeljuje se komunikacijskoj agenciji „Pristop BH“ d.o.o. Sarajevo, kao najbolje ocijenjenom ponuđaču po predmetnom postupku nabavke.

Član 2.

Ukupna vrijednost ugovora iz tačke I. ove odluke za period od jedne godine dana iznosi 139.000,00 KM, bez poreza na dodanu vrijednost (PDV), što u konačnici s uračunatim PDV-om iznosi 162.630,00 KM.

Član 3.

Ugovorni organ dostavit će na potpis izabranom ponuđaču prijedlog ugovora o nabavci usluga iz tačke I. ove odluke, u skladu s odredbama članova 72. i 98. Zakona.

Član 4.

Ova odluka objavit će se na internetskoj stranici Agencije www.fba.ba, istovremeno s upućivanjem iste ponuđačima koji su sudjelovali u postupku javne nabavke, saglasno članu 70. stav (6) i članu 71. stav (2) Zakona.

Član 5.

Ova odluka stupa na snagu danom donošenja.

OBRAZLOŽENJE

U skladu s Odlukom o pokretanju postupka javne nabavke, broj: 05-4500/18 od 12. 11. 2018. godine, pokrenut je postupak javne nabavke usluga iz oblasti odnosa s javnošću i kriznog komuniciranja, s namjerom zaključenja ugovora o nabavci predmetnih usluga na period od jedne godine. S obzirom da su navedene usluge svrstane u kategoriju usluga iz Aneksa II. dio B Zakona o javnim nabavkama javna nabavka provedena je u skladu s odredbama Zakona i Pravilnika o postupku dodjele ugovora o uslugama iz Aneksa II. dio B Zakona.

Procijenjena vrijednost javne nabavke utvrđena je u iznosu od 140.000,00 KM, bez poreza na dodanu vrijednost (PDV).

Poziv za dostavu ponuda (u nastavku: Poziv) za nabavku predmetnih usluga objavljen je na internetskoj stranici Agencije, 15. 11. 2018. godine, uz istovremeno upućivanje istog na adrese trojice potencijalnih ponuđača.

U skladu s Odlukom ugovornog organa imenovana je Komisija za nabavke, kojom su definisane njene nadležnosti, koje uključuju poslove otvaranja, pregleda i ocjene ponuda, te davanje preporuke za odabir najpovoljnijeg ponuđača.

Slijedom navedenog, Komisija je u okviru svojih nadležnosti i ovlaštenja provela predmetni postupak nabavke te o tome sačinila Zapisnik o zaprimanju ponuda, broj: 05-4500-2/18 i Zapisnik o pregledu i ocjeni ponuda, broj: 05-4500-3/18, s preporukom o izboru najpovoljnijeg ponuđača.

Ponude po ovom predmetu nabavke u zadanom roku podnijeli su slijedeći ponuđači: „Pricha“ d.o.o. Sarajevo i „Pristop BH“ d.o.o. Sarajevo.

Na osnovu izvršene analize i ocjene prispjelih ponuda u pogledu ispunjavanja zadanih kvalifikacijskih uslova nadmetanja, Komisija je u procesu evaluacije ponuda utvrdila slijedeće:

- da ponuda ponuđača „Pristop BH“ d.o.o. Sarajevo ispunjava sve uslove i zahtjeve iz Poziva, te je ista ocijenjena kao prihvatljiva za ugovorni organ u predmetnom postupku nabavke.
- da se ponuda ponuđača „Pricha“ d.o.o. Sarajevo odbacuje na osnovu odredbi člana 68. stavovi (1) i (4) Zakona, iz razloga što navedeni ponuđač nije ispunio sve zadane uslove i zahtjeve iz Poziva.

U ponudi navedenog ponuđača evidentirane su slijedeće nepravilnosti:

- U obrascu Izjave o ispunjenosti uslova iz člana 52. Zakona o javnim nabavkama vršene su ispravke na nepropisan način – korektorom, bez da je ista potvrđena potpisom ponuđača, uz navođenje datuma ispravke (ispravke u ponudi moraju biti izrađene na način da su vidljive i potvrđene potpisom ponuđača, uz navođenje datuma ispravke), a što je u suprotnosti s odredbama člana 18. tačke m) Uputstva za pripremu modela tenderske dokumentacije i poglavljem IV. Podaci o ponudi, tačka 2) Priprema ponude.
- Sadržaj ponude nije u skladu s odredbama poglavlja IV. Podaci o ponudi, tačka 1) Sadržaj ponude, obzirom da je izostavljena Tehnička specifikacija u vidu Priloga 3, Poziva.
- Nije ispunio kvalifikacijske uslove, u dijelu koji se odnose na poglavlje III. - Uslovi za kvalifikaciju ponuđača, tačka 1. - Minimalni uslovi za kvalifikaciju ponuđača, podtačka (1.3. Ekonomska i finansijska sposobnost – član 47. Zakona o javnim nabavkama), s obzirom na činjenicu da ponuđač nije dostavio valjanu Potvrdu da „glavni račun“ privrednog subjekta nije bio blokiran zadnjih 12 (dvanaest) mjeseci od dana objave Poziva (15. 11. 2018. godine). Naime, ponuđač je dostavio Potvrdu od strane banke s datumom izdavanja na dan 27. 11. 2018. godine, u kojoj stoji da njegov račun nije blokiran zadnjih 12 (dvanaest) mjeseci, što nije usklađeno sa zadanim uslovima iz Poziva kojim je traženo da Potvrda mora biti izdana od banke sa navodima da glavni račun ponuđača nije bio blokiran zadnjih (12) dvanaest mjeseci od datuma objave Poziva. U vezi s navedenim komisija je konstatovala da navedeni ponuđač nije ispunio u cijelosti sve zadane uslove iz tačke 3. TD – Ekonomska i finansijska sposobnost ponuđača, odnosno člana 47. Zakona.
- Nije dostavio Izjavu o ostvarenom prometu, potpisanu i ovjerenu s njegove strane, te ovjerenu kod nadležnog organa, da je ostvario ukupan promet u posljednje dvije godine (2016. i 2017. godine) u segmentu poslovanja koji je predmet ugovora ili od datuma registracije, odnosno početka poslovanja ako je ponuđač registrovan odnosno počeo s radom prije manje od dvije godine, u dvostrukom iznosu procijenjene vrijednosti javne nabavke koja je predmet ugovora, a što je u suprotnosti s tačkom 1.3. (Ekonomska i finansijska sposobnost – član 47. Zakona o javnim nabavkama) podtačka b) Poziva).



- Nije dostavio potvrdu o zaključenom ugovoru u 2017. godini koji u okviru predmetna nabavke uključuje: odnose s javnošću, što podrazumijeva odnose s medijima, krizno komuniciranje, usluge savjetovanja, vođenja i davanja uputa (edukacije osoblja za javni nastup – pojavljivanje rukovodstva Ugovornog organa u medijima, u vezi s prezentiranjem tema iz područja bankarskog, odnosno finansijskog sektora, s naglaskom na krizno komuniciranje), čija vrijednost iznosi, najmanje, 100.000,00 KM, bez PDV-a, kako je traženo u poglavlju III. - Uslovi za kvalifikaciju ponuđača, tačka 1. - Minimalni uslovi za kvalifikaciju ponuđača, podtačka 1.4. (Tehnička i profesionalna sposobnost – član 50. Zakona).

Ponuđač je dostavio potvrdu o zaključenom ugovoru čiji su predmet nabavke, usluge na području reklamiranja i marketinga, koje uključuju vođenje odnosa s javnošću, dizajna, savjetovanja, krizne komunikacije, što dokazuje da Potvrda nije u skladu sa zadanim uslovima iz Poziva obzirom da ne sadrži poslove savjetovanja, vođenja i davanja uputa (edukacije osoblja za javni nastup – pojavljivanje rukovodstva Ugovornog organa u medijima, u vezi s prezentiranjem tema iz područja bankarskog, odnosno finansijskog sektora, s naglaskom na krizno komuniciranje), kako je traženo u poglavlju III. - Uslovi za kvalifikaciju ponuđača, tačka 1. - Minimalni uslovi za kvalifikaciju ponuđača, podtačka 1.4. (Tehnička i profesionalna sposobnost – član 50. Zakona), stavka a) navedene podtačke.

U vezi s navedenim, zaključuje se da ponuđač nije dostavio potvrdu o zaključenom ugovoru u 2017. godini iz koje je vidljivo da su u okviru predmeta nabavke u cijelosti uključene usluge odnosa s javnošću, što podrazumijeva odnose s medijima, krizno komuniciranje, usluge savjetovanja, vođenja i davanja uputa (edukacije osoblja za javni nastup – pojavljivanje rukovodstva Ugovornog organa u medijima, u vezi s prezentiranjem tema iz područja bankarskog, odnosno finansijskog sektora, s naglaskom na krizno komuniciranje), što je traženo podtačkom 1.4. (Tehnička i profesionalna sposobnost – član 50. Zakona), stavka a) navedene podtačke, Poziva.

Iz prednje navedenog vidljivo je da je ponuda ponuđača „Pristop BH“ d.o.o. Sarajevo ocijenjena kao prihvatljiva za ugovorni organ na osnovu zadanih kvalifikacijskih i cjenovnih uvjeta nadmetanja, pa je komisija za nabavke dala preporuku da se navedenom ponuđaču, saglasno članu 69. stav (1) tačka a) Zakona, dodijeli ugovor za javnu nabavu usluga iz oblasti odnosa s javnošću i kriznog komuniciranja.

Uvažavajući sve navedeno, primjenom člana 64. stav 1. tačka b), člana 70. stavovi 1., 3. i 6. Zakona o javnim nabavkama, člana 8. stav 2. tačka d) Pravilnika o uspostavljanju i radu Komisije za nabavke i člana 16. Statuta Agencije, odlučeno je kao u tački I. ove odluke.

POUKA O PRAVNOM LIJEKU:

Protiv ove odluke može se izjaviti žalba Ugovornom organu – Agenciji za bankarstvo Federacije BiH, u skladu s odredbama članova 99. i 101. Zakona o javnim nabavkama (“Službeni glasnik BiH” broj: 39/14).

Žalba se podnosi u pisanom obliku – u tri primjerka, u roku od 10 (deset) dana od dana obavijesti dobrovoljnog ex ante obavještenja o transparentnosti na Portalu javnih nabavki.



Dostaviti:

- svim učesnicima u postupku
- a.a.